

要見菩提相應當識蜜多結成三藏寶顯現六波羅物物無頭  
腦般般有腳窠介然通穎脫玉液潤金波

氣壯神清爽心閑性逸安重樓傳玉液雙闕鍊金丹了了通三  
道圓圓做一團不無紅焰迸兼有紫光攢

這箇爲根本靈光要至誠搜窮物外景滅盡世間情四序傳中  
氣三光在上明如通顛倒法何慮不圓成

道在性長在身愁心不愁黃芽徧地長白雪滿園收姹女尤歡  
喜嬰兒最樂優刀圭第一法此外更何求

會步修行路應先上寶臺仰瞻超廓落俯看免輪迴清淨真靈  
現玲瓏慧眼開須憑顛倒法怎得倒顛來

道藏輯要

重陽全真集

九

上胃集一

五言長篇

上登州知州

方面蓬萊路朱旛喜色通車行行德雨肩動動仁風前擁雙旌  
貴旁馳萬騎雄栽棠齊召伯闡化類文翁政治靈光顯言尊性  
理融位登槐府後應與我心同

述懷

功成王四父風害第三孫警地迴頭處認得自來悟壁開真道  
眼跳出是非門已作空中客那爲地下魂名山三座總好景四  
時溫物物非非是非非是勿論

眼暗耳雙聾明聲總不通勸伊休唱喏舉事便和同不去欽賢